



**UNIVERZITET U BIHAĆU / BIOTEHNIČKI FAKULTET U SARADNJI SA
VODOVODNIM PREDUZEĆIMA USK-a I JU PEDAGOŠKI ZAVOD USK-a**

OBILJEŽAVAJU SVJETSKI DAN VODA
"NIKO NE SMIJE BITI IZOSTAVLJEN"
22.03.2019. godine, BIHAĆ, BOSNA I HERCEGOVINA
HOTEL "EMPORIUM"

PRVA OBAVIJEST

Poštovani profesori, nastavnici, učenici i studenti,

izuzetna nam je čast i zadovoljstvo pozvati Vas da se uključite i prijavite na Konkurs povodom obilježavanja Svjetskog dana voda 22.03.2019.godine pod nazivom "**NIKO NE SMIJE BITI IZOSTAVLJEN**", koji raspisuje Biotehnički fakultet Univerziteta u Bihaću u suradnji sa Vodovodnim preduzećima USK-a i Pedagoškim zavodom USK-a.

Obilježavanje ovog dana je i svojevrsno upozorenje da je potrebno mijenjati ponašanje i odnos prema vodi i aktivnije se uključiti u njenu zaštitu. Voda je temelj života i osnovni sastojak svakog živog bića. Broj stanovnika na našoj planeti ubrzano se povećava, potrebe za vodom još i brže, a njena ukupna količina se ne mijenja. Do 2025. godine dvije trećine čovječanstva osjetit će ozbiljan nedostatak vode. Procjene stručnjaka kažu da 1,1 milijarda ljudi nema pristup pitkoj vodi, 2,5 milijardi nema obezbijedene osnovne sanitarne uslove, a da gotovo 8 miliona ljudi godišnje umre zbog nedostatka pitke vode.

Raspoložive količine vode za piće u BiH po stanovniku veće su nego u mnogim evropskim zemljama zahvaljujući specifičnom geografskom položaju, te reljefno - geološkim i klimatskim karakteristikama prostora. Kako bi se osigurale dovoljne količine zdrave pitke vode potrebno je uložiti dodatne napore za zaštitu i štednju vode, odnosno treba prepoznati nužnost racionalnog korištenja vode.



**Pozivamo profesore, nastavnike, učenike i studente sa područja USK-a da se prijave na
Konkurs za odabir najboljih radova na temu obilježavanja Svjetskog dana voda**

"NIKO NE SMIJE BITI IZOSTAVLJEN"

Konkurs se odnosi na tri kategorije:

1. Najbolji studentski rad
2. Najbolji učenički rad (srednja škola)
3. Najbolji učenički rad (osnovna škola)

Programski prioriteti za prijavu prve dvije kategorije radova su istraživački radovi:

- vodni resursi,
- proizvodnja i čišćenje voda,
- kvalitet i analiza voda,
- kontrola i osiguranje kvaliteta voda,
- upravljanje vodama i
- zaštita od voda.

Programski prioriteti za prijavu treće kategorije radova (osnovna škola) su likovni i literarni radovi na zadanoj temi.

Rad koji se prijavljuje na konkurs treba se tematski baviti problematikom voda, pokazati adekvatno znanje o sadržajima vezanim uz temu, odgovarajuću metodologiju i poznavanje stručne literature. Upute za pisanje radova su sastavni dio konkursa.

Radovi se rade pod mentorstvom nastavnika (osnovne škole), a za učenike srednjih škola i studente pod mentorstvom profesora srednjih škola u saradnji sa nastavnicima i saradnicima Biotehničkog fakulteta Univerziteta u Bihaću koji ne sudjeluju u ocjenjivanju radova.

Svi radovi koji budu napisani u skladu sa uputama o pisanju radova i dobiju pozitivno mišljenje mentora, biti će recenzirani, a nakon toga štampani u Zborniku učeničkih i studentskih radova.

Dio eksperimentalnih istraživanja može se obaviti na Biotehničkom fakultetu.

Kontakt za eksperimentalni rad:

mr.sc. Samira Dedić, rukovodioc laboratorije BTF-a

mail: samira.dedic@yahoo.com

mob: 062 /193 154

Za sva dodatna pitanja možete se obratiti na mail adrese:

Prof.dr. Jasmina Ibrahimpašić (jasmina.ibrahimpasic@unbi.ba)

Prof.dr.Halid Makić (halidmakicbtf@gmail.com)